

慧日佛學班第 03 期

《大智度論》卷 14

〈釋初品中尸羅波羅蜜義第二十三之餘〉

（大正 25，162a2-164a27）

釋厚觀（2007.10.13）

九、釋「尸羅波羅蜜」

問曰：已知尸羅相，云何為尸羅波羅蜜？（162a）

答曰：

（一）護戒不惜身命（印順法師，《大智度論筆記》〔A034〕p.64）

有人言：菩薩持戒，寧自失身，不毀小戒，是為尸羅波羅蜜。

如上《蘇陀蘇摩王經》¹中說，不惜身命以全禁戒。

如菩薩本身，曾作大力毒龍。²若眾生在前，身力弱者，眼視便死；身力強者，氣往而死。是龍受一日戒，出家求靜，入林樹間思惟；坐久，疲懈而睡。龍法，睡時形狀如蛇，身有文章，七寶雜色。

獵者見之驚喜，言曰：「以此希有難得之皮，獻上國王以為服飾，不亦宜乎？」便以杖按其頭，以刀剝其皮。

龍自念言：「我力如意，傾覆此國，其如反掌；此人小物，豈能困我？我今以持戒故，不計此身，當從佛語！」於是自忍，眠³目不視，閉氣不息；憐愍此人，為持戒故，一心受剝，不生悔意。既以失皮，赤肉在地，時日大熱，宛轉土中；欲趣大水，見諸小蟲來食其身，為持戒故，不復敢動。自思惟言：「今我此身以施諸蟲，為佛道故，今以肉施，以充其身；後成佛時，當以法施，以益其心。」如是誓已，身乾命絕，即生第二忉利天上。

爾時毒龍，釋迦文佛是；是時獵者，提婆達等六師是也；諸小蟲輩，釋迦文佛初轉法輪（162b），八萬諸天得道者是。

菩薩護戒，不惜身命，決定不悔，其事如是，是名尸羅波羅蜜。

（二）持戒為度眾生（印順法師，《大智度論筆記》〔A034〕p.64）

復次，菩薩持戒，為佛道故，作大要誓，必度眾生：「不求今世、後世之樂，不為名聞虛⁴譽法故，亦不自為早求涅槃，但為眾生沒在長流，恩愛所欺，愚惑所誤，我當度之

¹ 參見《大智度論》卷 4（大正 25，88c28-89a11），《六度集經》卷 4（大正 3，22b-24b），《賢愚經》卷 11（大正 4，425c-427a），《舊雜譬喻經》卷下（大正 4，517a-c）。

² 釋尊作毒龍守戒致死。（印順法師，《大智度論筆記》〔I018〕p.433）

大力毒龍。（印順法師，《大智度論筆記》〔H013〕p.403）

參見《菩薩本緣經》卷下〈8 龍品〉（大正 3，69b-70a），《菩薩本生鬘論》卷 3〈7 慈心龍王消伏怨害緣起〉（大正 3，338a-c）。

³ 眠=眼【宋】【元】【明】。（大正 25，162d，n.7）

⁴ 虛=稱【元】【明】。（大正 25，162d，n.10）

令到彼岸。」一心持戒，為生善處，生善處故見善人，見善人故生智慧⁵，生智慧故得行六波羅蜜，得行六波羅蜜故得佛道。如是持戒名為尸羅波羅蜜。

(三) 心樂善淨（印順法師，《大智度論筆記》〔A034〕p.64）

復次，菩薩持戒，心樂善清淨，不為畏惡道，亦不為生天，但求善淨；以戒熏心，令心樂善，是為尸羅波羅蜜。

(四) 以大悲心持（印順法師，《大智度論筆記》〔A034〕p.64）

復次，菩薩以大悲心持戒，得至佛道，是名尸羅波羅蜜。

(五) 能生六波羅蜜（印順法師，《大智度論筆記》〔A034〕p.64）

復次，菩薩持戒，能生六波羅蜜，是則名為尸羅波羅蜜。

1、因戒生戒

云何持戒能生戒？因五戒得沙彌戒，因沙彌戒得律儀戒⁶，因律儀戒得禪定戒，因禪定戒得無漏戒，是為戒生戒。⁷

2、因持戒生布施

(1) 持戒能生三種施（印順法師，《大智度論筆記》〔A033〕p.62）

云何持戒能生於檀？

檀有三種：一者、財施，二者、法施，三者、無畏施。

A、財施

持戒自檢，不侵一切眾生財物，是名財施。

B、法施

眾生見者，慕其所行，又為說法，令其開悟。又自思惟：我當堅持淨戒，與一切眾生作供養福田，令諸眾生得無量福。如是種種，名為法施。

C、無畏施

一切眾生皆畏於死，持戒不害，是則無畏施。

(2) 因持戒得戒報，行財施滿眾生願，行法施度眾生得離苦

復次，菩薩自念：「我當持戒，以此戒報，為諸眾生作轉輪聖王、或作閻浮提王、若作天王，令諸眾生滿足於財，無所乏短；然後坐佛樹下，降伏魔王，破諸魔軍，成無上道，為諸眾生說清淨法，令無（162c）量眾生度老、病、死海。」

是為持戒因緣生檀波羅蜜。

3、因持戒生忍辱

(1) 若持戒無忍當墮惡趣

云何持戒生忍辱？持戒之人心自念言：「我今持戒為持⁸心故。若持戒無忍，當墮地獄；雖不破戒，以無忍故，不免惡道；何可縱⁹念¹⁰不自制心？但以心故入三惡趣。

⁵ 智慧=善智【宋】【元】【明】【宮】【石】。（大正 25，162d，n.11）

⁶ 律儀戒=戒律儀【宋】【元】【明】【宮】。（大正 25，162d，n.16）

⁷ 尸羅：五戒、沙彌戒、律儀戒、禪定戒、無漏戒。（印順法師，《大智度論筆記》〔A034〕p.64）

⁸ 持=治【宋】【元】【明】【宮】【石】。（大正 25，162d，n.18）

⁹ 縱（ㄉㄨㄥˋ）：3.放縱，聽任。（《漢語大詞典》（九），p.1001）

是故應當好自勉強，懃修忍辱。」

(2) 忍能固戒，令不動搖

復次，行者欲令戒德堅強，當修忍辱。所以者何？忍為大力，能牢固戒，令不動搖。復自思惟：「我今出家，形與俗別，豈可縱心如世人法？宜自勉勵，以忍調心。以身、口忍，心亦得忍；若心不忍，身、口亦爾。」

是故行者當令身、口、心忍，絕諸忿恨。

(3) 若忍心不固，戒亦傷人；忍為戒杖，扶人至道

復次，是戒略說則有八萬，廣說則無量，我當云何能具持此無量戒法？唯當忍辱，眾戒自得。

A、刀車喻

譬如有人得罪於王，王以罪人載之刀車，六邊利刃，間不容間¹¹，奔逸馳走，行不擇路；若能持身，不為刀傷，是則殺而不死。持戒之人，亦復如是，戒為利刀，忍為持身，若忍心不固，戒亦傷人。

B、戒杖喻

又復譬如老人夜行，無杖則蹶¹²；忍為戒杖，扶人至道，福樂因緣，不能動搖。如是種種，名為持戒生羸提波羅蜜。

4、因持戒生精進

云何持戒而生精進？

(1) 持戒之人不放逸、勤修無上法

持戒之人除去放逸，自力懃修，習無上法，捨世間樂，入於善道，志求涅槃，以度一切，大心不懈，以求佛為本，是為持戒能生精進。

(2) 持戒之人厭老、病、死苦，心生精進，自度度人

復次，持戒之人，疲厭世苦老、病、死患，心生精進，必求自¹³脫，亦以度人。

※ 野干奔逸自脫喻（印順法師，《大智度論筆記》〔I018〕p.433）

譬如野干¹⁴在林樹間，依隨師子及諸虎豹，求其殘肉以自存活。有時¹⁵空乏，夜半

¹⁰ 忿（ㄘㄣˇ）：1.憤怒，怨恨。（《漢語大詞典》（七），p.424）

¹¹ 間（ㄐㄧㄢˋ）：1.空隙，縫隙。《墨子·經上》：“有間，中也。”畢沅校注：“間隙，是二者之中。”一本作“間”。《莊子·養生主》：“彼節者有間，而刀刃者無厚；以無厚者入有間，恢恢乎其於遊刃，必有餘地矣。”（《漢語大詞典》（十二），p.73）
間不容間：中間不允許有空隙。

¹² 蹶=躓【宮】。（大正 25，162d，n.21）

蹶（ㄐㄩㄝˋ）：1.顛仆，跌倒。（《漢語大詞典》（十），p.549）

¹³ 求自=自求【宋】【元】【明】【宮】。（大正 25，162d，n.22）

¹⁴ 《一切經音義》卷 70：「野干（梵語悉伽羅〔śrgāla〕，形色青黃，如狗羣行，夜鳴，聲如狼也。字又作射干，案，〈子虛賦〉云騰遠射干，司馬彪、郭璞等注並云：射干似狐而小，能緣木。射音夜。《廣志》云巢於危巖高木也。禪經云見一野狐，又見野干。是也。）」（大正 54，763a17-18）

¹⁵ 有時=時間【宋】【元】【明】【宮】【石】。（大正 25，162d，n.23）

踰¹⁶城，深入人舍，求肉不得，屏處睡息，不覺夜竟；惶怖無計，走則慮不（163a）自免，住則懼畏死痛；便自定心，詐死在地。

眾人來見，有一人言：「我須野干耳」即便截取。

野干自念：「截耳雖痛，但令身在。」

次有一人言：「我須野干尾。」便復截去。

野干復念：「截尾雖痛猶是小事。」

次有一人言：「我須野干牙。」

野干心念：「取者轉多，儻¹⁷取我頭，則無活路。」即從地起，奮其智力，絕¹⁸踊¹⁹間關²⁰，徑²¹得自濟²²。

行者之心，求脫苦難，亦復如是：若老至時，猶故自寬，不能慤慤²³決斷精進；病亦如是，以有差期，未能決計；死欲至時，自知無冀²⁴，便能自勉，果敢慤慤，大修精進，從死地中畢²⁵至涅槃。

【(3) 持戒則心安，能精進修智慧破無明賊】

復次，持戒之法，譬如人射，先得平地，地平然後心安，心安然後挽滿²⁶，挽滿然後陷深。戒為平地，定意為弓，挽滿為精進，箭為智慧，賊是無明。若能如是展力精進，必至大道，以度眾生。

¹⁶ (1) 踰 (ㄩ ㄨ)：同“逾 1”。(《漢語大詞典》(十)，p.521)

(2) 逾：1.越過，經過。(《漢語大詞典》(十)，p.1041)

¹⁷ 儻 (ㄉㄨㄤ ㄨ)：6.倘若，假如，表示假設。(《漢語大詞典》(一)，p.1742)

¹⁸ 絕 (ㄐㄩㄝ ㄉㄨㄛ ㄨ)：4.竭，盡。(《漢語大詞典》(九)，p.833)

¹⁹ (1) 踊 (ㄩ ㄨ)：同“踴 1”。(《漢語大詞典》(十)，p.488)

(2) 踴：1.向上跳，跳躍。(踴《漢語大詞典》(十)，p.524)

²⁰ 明註曰「間關」，南藏作「門關」。(大正 25，163d，n.2)

閒 (ㄐㄧㄢ ㄨ) 關：亦作“間關”。1.形容轉動自如。《詩·小雅·車牽》：“閒關車之牽兮，思變季女逝兮。”2.猶輾轉。《漢書·王莽傳下》：“王邑晝夜戰，罷極，士死傷略盡，馳入宮，間關至漸臺。”顏師古注：“間關猶言崎嶇展轉也。”3.曲折。漢牟融《理惑論》：“道之言導……視之無形，聽之無聲，四表為大，統緹其外，毫釐為細，間關其內，故謂之道。”(《漢語大詞典》(十二)，p.93)

²¹ 徑 (ㄐㄩ ㄨ)：8.即，就。《史記·滑稽列傳》：“賜酒大王之前，執法在旁，御史在後，髡恐懼俯伏而飲，不過一斗徑醉矣。”7.直接，一直。漢枚乘《上書諫吳王》：“夫銖銖而稱之，至石必差；寸寸而度之，至丈必過。石稱丈量，徑而寡失。”(《漢語大詞典》(三)，p.976)

²² 自濟：1.自渡。南朝宋劉義慶《幽明錄》：“義熙中，江乘蠡湖忽有一板，廣數尺，長二丈餘，恒停在此川溪，采菱及捕魚者，資以自濟。”3.自成其事，自可成功。漢陳琳《檄吳將校部曲文》：“有斧無柯，何以自濟。”(《漢語大詞典》(八)，p.1337)

「絕踊間關，徑得自濟」：盡力往上跳而逃離險境，直接靠自己的力量擺脫險境。

²³ 慤慤 (ㄉㄨㄤ ㄨ)：亦作“慤慤”；情意懇切。(《漢語大詞典》(七)，p.671)

²⁴ 冀：2.希望，盼望。(《漢語大詞典》(二)，p.162)

²⁵ 畢=得【宋】【元】【明】【宋】【石】。(大正 25，163d，n.4)

²⁶ 挽 (ㄨㄢ ㄨ) 滿：拉滿強弓。《後漢書·梁冀傳》：“性嗜酒，能挽滿、彈棋、格五、六博、蹴鞠、意錢之戲。”李賢注：“挽滿，猶引強也。”(《漢語大詞典》(六)，p.625)

〔4〕持戒能精進護諸根，易得禪定，乃至生智慧得至佛道

復次，持戒之人，能以精進自制五情，不受五欲；若心已去，能攝令還；是為持²⁷戒能護諸根。護諸根則生禪定，生禪定則生智慧，生智慧得至佛道。

是為持戒生毘梨耶波羅蜜。

5、因持戒生禪

云何持戒生禪？

〔1〕戒能羸諸結使，禪定易得（印順法師，《大智度論筆記》〔A034〕p.64）

人有三業作諸²⁸善，若身、口業善，意業自然入善；譬如曲草生於麻中，不扶自直。持戒之力，能羸²⁹諸結使。云何能羸？

若不持戒，瞋恚事來，殺心即生；若欲事至，婬心即成。

若持戒者，雖有微瞋，不生殺心；雖有婬念，婬事不成——是為持戒能令諸結使羸。諸結使羸，禪定易得。譬如老病失力，死事易得；結使羸故，禪定易得。

〔2〕持戒心不放逸，易得禪定

復次，人心未息，常求逸樂；行者持戒，棄捨世福，心不（163b）放逸，是故易得禪定。

〔3〕持戒得生人中、天上，乃至斷結成道

復次，持戒之人，得生人中，次生六欲天上，次至色界，若破色相生無色界；持戒清淨，斷諸結使，得阿羅漢道；大心持戒，愍念眾生，是為菩薩。

〔4〕戒檢粗，禪攝細（印順法師，《大智度論筆記》〔A037〕p.70）

復次，戒為檢³⁰麤，禪為攝³¹細。

〔5〕戒攝身口，禪止亂心（印順法師，《大智度論筆記》〔A037〕p.70）

復次，戒攝身、口，禪止亂心；如人上屋，非梯不昇，不得戒梯，禪亦不立。

〔6〕持戒之人煩惱薄，心不大散，禪定易得

復次，破戒之人，結使風強，散亂其心；其心散亂，則禪不可得。

持戒之人，煩惱風軟，心不大散，禪定易得。

如是等種種因緣，是為持戒生禪波羅蜜。

6、因持戒生智慧

云何持戒能生智慧？³²

²⁷ 持=於【宋】【元】【明】【宮】【石】。（大正 25，163d，n.5）

²⁸ 諸+（不）【宋】【宮】【石】。（大正 25，163d，n.6）

²⁹ 羸（ㄉㄨㄛˋ）：1.衰病，瘦弱，困憊。《國語·魯語上》：“饑饉薦降，民羸幾卒。”韋昭注：“羸，病也。”（《漢語大詞典》（六），p.1400）

³⁰ 檢（ㄑㄧㄢˇ）：1.約束。漢仲長統《昌言·雜編》：“人之性有……廣大闊蕩者，患在無檢。”（《漢語大詞典》（六），p.920）

³¹ 攝（ㄕㄟˋ）：14.收斂。《百喻經·飲木筩水喻》：“汝欲得離者，當攝汝六情，閉其心意，妄想不生，便得解脫。”（《漢語大詞典》（六），p.970）

³² 戒生智：知戒與相，不生著；不取戒，不捨破戒；智慧漸利。（印順法師，《大智度論筆記》）

(1) 知戒無相，不生著（印順法師，《大智度論筆記》〔A039〕p.74）

持戒之人，觀此戒相從何而有，知從眾罪而生；若無眾罪，則亦無戒。戒相如是，從因緣有，何故生著？譬如蓮華出自污³³泥，色雖鮮好，出處不淨；以是悟心，不令生著——是為**持戒生般若波羅蜜**。

(2) 不取戒，不捨破戒（印順法師，《大智度論筆記》〔A039〕p.74）

復次，持戒之人，心自思惟：若我以持戒貴而可取，破戒賤而可捨者，若有此心不應般若。以智慧籌量，心不著戒，無取、無捨——是為**持戒生般若波羅蜜**。

(3) 持戒，常觀諸法實相，智慧漸利

復次，**不持戒人**，雖有利智，以營世務，種種欲求生業之事，慧根漸鈍；譬如利刀以割泥土，遂成鈍器。

若出家持戒，不營世業，常觀諸法實相無相；先雖鈍根，以漸轉利。

如是等種種因緣，名為**持戒生般若波羅蜜**。

※ 小結

如是名³⁴為尸羅波羅蜜生六波羅蜜。

(六) 為眾生，為佛道，為佛法（印順法師，《大智度論筆記》〔A034〕p.64）

復次，菩薩持戒不以畏故，亦非愚癡，非疑、非惑³⁵，亦不自為涅槃故持戒；但為一切眾生故，為得佛道故，為得一切佛法故。如是相名為尸羅波羅蜜。

(七) 罪不罪不可得（印順法師，《大智度論筆記》〔A034〕p.64）

復次，若菩薩於罪、不罪不可得故，是時，名為尸羅（163c）波羅蜜。

問曰：若捨惡行善，是為持戒，云何言「罪、不罪不可得」？

答曰：

1、深入諸法相，行空三昧，慧眼觀故

非謂邪見、麤心言「不可得」也；若深入諸法相，行空三昧³⁶，慧眼觀故，罪不可得；罪無故，不罪亦不可得。

2、眾生不可得故，罪不可得，戒亦不可得

復次，眾生不可得故，殺罪亦不可得；罪不可得故，戒亦不可得。何以故？以有殺罪故，則有戒；若無殺罪，則亦無戒。

〔A039〕p.74）

³³ 污=淤【元】【明】。（大正 25，163d，n.13）

³⁴ 如是名=如是等名【宋】【元】【明】【宮】，=如是等【石】。（大正 25，163d，n.16）

³⁵ 惑=戒盜【宋】【元】【明】，=戒【宮】，=惑盜【石】。（大正 25，163d，n.17）

³⁶ (1)《大智度論》卷 5：「諸三昧者，三三昧：空、無作、無相。有人言：觀五陰無我、無我所，是名為空；住是空三昧，不為後世故起三毒，是名無作；緣離十相故，五塵、男、女、生、住、滅故，是名無相。有人言：住是三昧中，知一切諸法實相，所謂畢竟空，是名空三昧。」（大正 25，96b29-c6）

(2) 另參見《大智度論》卷 20（大正 25，206a-208a）。

※ 因論生論：云何言眾生不可得

問曰：今眾生現有，云何言「眾生不可得」？

答曰：

〔1〕以慧眼觀則眾生不可得

肉眼所見，是為非見；若以慧眼觀，則不得眾生。如上檀中說無施者、無受者、無財物，³⁷此亦如是。

〔2〕即蘊、離蘊，眾生皆不可得

復次，若有眾生，是五眾耶？離五眾耶？

A、破「五蘊即是眾生」

〔A〕一多不相即故

若是五眾，五眾有五，眾生為一；如是者，五可³⁸為一，一可為五。譬如市易³⁹物直⁴⁰五匹⁴¹，以一匹取之，則不可得。何以故？一不⁴²得作五故。以是故，知五眾不得作一眾生。

〔B〕眾生若如五蘊成生滅故

復次，五眾生滅無常相；眾生法，從先世來、至後世，受罪、福於三界。若五眾是眾生，譬如草木自生自滅，如是則無罪縛，亦無解脫。

以是故，知非五眾是眾生。

B、破「離五蘊有眾生」

〔A〕如前說神常遍中已破

若離五眾有眾生，如先說神常遍中已破⁴³。

〔B〕若離五蘊有眾生則墮常見，不應生、不應死

復次，離五眾則我見心不生，若離五眾有眾生，是為墮常見；若墮常見者，是則無生、無死。何以故？生名先無今有⁴⁴，死名已生便滅。若眾生常者，應遍滿五道中，先已常有，云何今復來生？若不有生，則無有死。

※ 因論生論：破「五蘊因緣有眾生法」

問曰：定有眾生，何以故言無？五眾因緣，有眾生法；譬如五指因緣，拳法生。

答曰：此言非也！

³⁷ 參見釋厚觀、郭忠生合編，〈《大智度論》之本文相互索引〉，《正觀》，(6)，p.33：《大智度論》卷 12（大正 25，147b-150a）。

³⁸ （不）+可【元】【明】。（大正 25，163d，n.24）

³⁹ 易：1.交換。（《漢語大詞典》（五），p.632）

⁴⁰ 直：23.價值，代價。（《漢語大詞典》（一），p.853）

⁴¹ 匹（女一√）：7.量詞。布帛等織物長度的計量單位。古代四丈為一匹，今則五十尺、一百尺不等。（《漢語大詞典》（一），p.947）

⁴² 不+（可）【元】【明】。（大正 25，163d，n.25）

⁴³ 參見釋厚觀、郭忠生合編，〈《大智度論》之本文相互索引〉，《正觀》（6），pp.33-34：《大智度論》卷 12（大正 25，149a-b）。

⁴⁴ 有=出【宋】【宮】【石】。（大正 25，163d，n.26）

〔1〕離五蘊、十二處無別眾生

若五眾因緣有眾生法者，除五眾，則別有眾生法，然不可得；眼自見色，耳自聞聲，鼻嗅香，舌知味，身知觸，意知法（164a），空無我法；離此六事，更無眾生。諸外道輩倒見故，言眼能見色，是為眾生；乃至意能知法，是為眾生；又能憶念，能受苦樂，是為眾生；但作是見，不知眾生實。

※ 詐以被枕為人喻（印順法師，《大智度論筆記》〔I018〕p.433）

譬如一長老德比丘，人謂是阿羅漢，多致⁴⁵供養。其後病死，諸弟子懼失供養故，夜盜出之；於其臥處安施被枕，令如師在，其狀⁴⁶如臥。

人來問疾：「師在何許？」

諸弟子言：「汝不見床上被枕耶？」

愚者不審察之，謂師病臥，大送供養而去，如是非一。

復有智人來而問之，諸弟子亦如是答。

智人言：「我不問被枕、床褥⁴⁷，我自求人。」發被求之，竟無人可得。

除六事相，更無我人；知者、見者，亦復如是。

〔2〕五蘊無常，則眾生亦應無常，不應至後世

復次，若眾生於五眾因緣有者，五眾無常，眾生亦應無常。何以故？因果相似故；若眾生無常，則不至後世。

〔3〕五眾因緣生眾生名字，無智之人逐名求實，實無眾生

復次，若如汝言「眾生從本已來常有」，若爾者，眾生應生五眾，五眾不應生眾生；今五眾因緣生眾生名字，無智之人逐名求實。以是故，眾生實無；若無眾生，亦無殺罪；無殺罪故，亦無持戒。

〔4〕知五蘊空，如鏡中像，若殺鏡中像，無有殺罪

復次，是五眾深入觀之，分別知空，如夢所見，如鏡中像；若殺夢中所見及鏡中像，無有殺罪。殺五陰空相眾生，亦復如是。

3、輕慢破戒人，貪著持戒人，是起罪因緣

復次，若人不樂⁴⁸罪、貪著無罪，是人見破戒罪人則輕慢，見持戒善人則愛敬；如是持戒，則是起罪因緣。

以是故言「於罪、不罪不可得故，應具足尸羅波羅蜜」。

⁴⁵ 致：10.求取，獲得。（《漢語大詞典》（八），p.792）

⁴⁶ 狀=床【宋】【宮】。（大正 25，164d，n.1）

⁴⁷ 褥（ㄩˇㄨㄥˋ）：坐臥的墊具。楊蔭深《事物掌故叢談·衣冠服飾·褥》：“褥有二種：一種用於床上，俗稱墊被；一種用於椅或車上，俗稱坐墊或墊子，古則又稱為茵。”（《漢語大詞典》（九），p.123）

⁴⁸ 樂+（殺）【元】【明】。（大正 25，164d，n.4）

〈釋初品中羸提波羅蜜義第二十四〉
（大正 25，164a28-168a28）

【經】（164b）心不動故，應具足羸提波羅蜜。

【論】

一、羸提之意義及法門分別

問曰：云何名羸提？

答曰：

（一）羸提之名義

羸提，（秦）言「忍辱」。

（二）忍有二種：生忍、法忍

忍辱有二種：生忍、法忍。菩薩行生忍，得無量福德；行法忍，得無量智慧。⁴⁹福德、智慧二事具足故，得如所願⁵⁰；譬如人有目、有足，隨意能到。

菩薩若遇惡口罵詈，若刀杖所加，思惟知罪、福業因緣諸法，內、外畢竟空，無我、無我所，以三法印⁵¹印諸法故，力雖能報，不生惡心，不起惡口業；爾時，心數法生，名為忍。得是忍法故，忍智牢固；譬如畫彩，得膠則堅著。

（三）粗善遮惡為忍，細善不作眾惡名禪（印順法師，《大智度論筆記》〔A035〕p.65）

有人言：「善心有二種：有麤，有細；麤名忍辱，細名禪定。未得禪定心樂，能遮眾惡，是名忍辱；心得禪定樂，不為眾惡，是名禪定。」⁵²

（四）法門分別（印順法師，《大智度論筆記》〔A035〕p.65）

1、色、非色門

是忍，是心數法，與心相應，隨心行。

2、業、業報門

非業，非業報，隨業行。

3、繫、不繫門

有人言：「二界繫。」

有人言：「但欲界繫，或不繫。色界無外惡可忍故。」⁵³

4、有漏、無漏門

亦有漏、亦無漏，凡夫、聖人俱得故。

⁴⁹ 生忍得無量福德，法忍得無量智慧。（印順法師，《大智度論筆記》〔A035〕p.65；〔C018〕p.216）

⁵⁰ 〔生忍——得無量福德〕

二忍—法忍——得無量智慧—具足二事得至所願（印順法師，《大智度論筆記》〔A014〕p.27）

⁵¹ 關於三法印，參見《大智度論》卷 15（大正 25，170a），《大智度論》卷 22（大正 25，222a-223b）。

⁵² 〔羸—忍辱——未得定樂〕

二種善心—細—禪定——已得定樂—能遮眾惡（印順法師，《大智度論筆記》〔A005〕p.9）

⁵³ 〔或言通色界〕

忍—或言色界無（印順法師，《大智度論筆記》〔A027〕p.51）

5、三性門（善、惡、無記）

障「己心、他心不善法」，故名為善。

6、斷、不斷門

善故，或思惟斷，或不斷。

如是等種種，阿毘曇廣分別。

二、釋「生忍」

問曰：云何名生忍？

答曰：有二種眾生來向菩薩：一者、恭敬供養，二者、瞋罵打害。爾時，菩薩其心能忍，不愛敬養眾生，不瞋加惡眾生，是名生忍。⁵⁴

（一）忍恭敬供養（印順法師，《大智度論筆記》〔A035〕p.65）

問曰：云何恭敬、供養名之為忍？

答曰：有二種結使：一者、屬愛結使，二者、屬恚結使。

恭敬、供養雖不生恚，令心愛著，是名軟賊。是故於此應當自忍，不著不愛。

云何能忍？⁵⁵

1、作無常觀（印順法師，《大智度論筆記》〔A035〕p.65）

觀其無常，是結使生處。如佛所說：「利養瘡⁵⁶深，譬如斷皮至肉，斷肉至骨，斷骨至髓。人著利養，則破持戒皮，斷禪定肉，破智慧骨，失微妙善心（164c）髓。」⁵⁷

※ 舉提婆達多貪著利養而墮地獄**（1）淨飯王敕令出家**

如佛初遊迦毘羅婆國，與千二百五十比丘俱，悉是梵志之身。供養火故，形容憔悴；絕食苦行故，膚體瘦黑。淨飯王心念言：「我子侍從，雖復心淨清潔，竝⁵⁸無容貌，我當擇取累重⁵⁹多子孫者，家出一人，為佛弟子。」如是思惟已，勅下國中：簡擇諸釋貴戚⁶⁰子弟，應⁶¹書⁶²之身⁶³，皆令出家。是時，斛飯王子提婆達多，出家學道，

⁵⁴ 不愛敬養眾生

生忍 不瞋加惡眾生（印順法師，《大智度論筆記》〔A014〕p.28）

⁵⁵ 忍恭敬供養，三義。（印順法師，《大智度論筆記》〔C012〕p.203）

⁵⁶ 瘡=創【宮】。（大正 25，170d，n.13）

參見 Lamotte（1949，p.867，n.1）：實際上，佛陀是將利養名聞譬喻為「如毛髮縛人，斷膚截骨」，而不是此處之「瘡」。《大智度論》卷 5（大正 25，98b）

⁵⁷ 參見《大莊嚴論經》卷 7：「利養亂定心，為害劇於怨，如以毛繩戮，皮斷肉骨壞，髓斷爾乃止；利養過毛繩，絕於持戒皮，能破禪定肉，折於智慧骨，滅妙善心髓。」（大正 4，293a6-10）

⁵⁸ 竝：同“並”。（《漢語大字典》（四），p.2708）

⁵⁹ 累重（ㄌㄨㄟˋ ㄘㄨㄥˋ）：1.家屬資產。《漢書·匈奴傳上》：“匈奴聞，悉遠其累重於余吾水北。”顏師古注：“累重，謂妻子資產也。”（《漢語大詞典》（九），p.789）

⁶⁰ 貴戚：1.帝王的親族。（《漢語大詞典》（十），p.155）

⁶¹ 應（ㄩㄥˋ）：6.符合，適應，順應。（《漢語大詞典》（七），p.749）

⁶² 書（ㄕㄨˉ）：10.文書，文件。《書·顧命》：“太史秉書，由賓階階，御王冊命。”孔穎達疏：“太史持策書顧命欲以進王。”（《漢語大詞典》（五），p.713）

⁶³ 身：10.身分，地位。（《漢語大詞典》（十），p.698）

「應書之身」：符合文書中「累重多子孫者，家出一人，為佛弟子」的身分（人），都命他出家。

誦六萬法聚，精進修行，滿十二年。

〔2〕求學神通⁶⁴

其後為供養利故，來至佛所，求學神通。佛告憍曇：「汝觀五陰無常，可以得道，亦得神通。」而不為說取通之法。出求舍利弗、目犍連，乃至五百阿羅漢，皆不為說；言：「汝當觀五陰無常，可以得道，可以得通。」不得所求，涕泣不樂；到阿難所，求學神通；是時阿難未得他心智，敬其兄故，如佛所言以授。提婆達多受學通法，入山不久，便得五神通。

〔3〕惑阿闍世王子心、得大供養

得五神通已，自念：「誰當與我作檀越者？」如王子阿闍世，有大王相。欲與為親厚，到天上取天食；還到鬱單羅越，取自然粳米⁶⁵；至閻浮林中，取閻浮果，與王子阿闍世。或時自變其身⁶⁶，作象寶、馬寶，以惑其心；或作嬰孩坐其膝上，王子抱之，嗚⁶⁷啞⁶⁸與唾⁶⁹；時時自說己名，令太子知之，種種變態以動其心。

⁶⁴ 參見 Lamotte (1949, p.870, n.1)：有一次佛陀在王舍城，該處發生飢荒。具有神通力之比丘到不同之地區，閻浮提、鬱單曰、忉利天，採集此地區所出產之水果或天食，而在僧團中分食。提婆達多嫉羨他們的神通，要求佛陀教導他神通之法，但佛陀勸他還是專心修持，以得解脫。之後，提婆達多前往請教大弟子舍利弗，目犍連，以至五百阿羅漢，但是均遭拒絕。提婆達多別無方法，只好求助於他的弟弟阿難，阿難禁不起一再懇求，即告訴他修得神通之方法，參見《十誦律》卷 36（大正 23，257a-b），《大智度論》在此幾乎逐字引用。《鼻奈耶》卷 2（大正 24，859b）；《出曜經》卷 14（大正 4，687b-c）。但是在《根本說一切有部毘奈耶破僧事》卷 13（大正 24，167c-168b），則作十力迦葉——即阿難之老師，教導提婆達多神通之法；《增壹阿含經》卷 47（大正 2，802b-c）則作修陀羅比丘。此一事件在巴利文獻內並沒有記載，僅記載提婆達多證得凡夫神通。

⁶⁵ 參見 Lamotte (1949, p.871, n.2)：鬱單曰之住民有神奇之米，它的生長勿須耕翻，不必播種，沒有米糠，自然香味，味美絕佳。要煮食神奇之米，將米倒入鍋中，將鍋置於「白熱石」之上，這些石頭馬上自燃，等到米熟之後，又自行熄火。

⁶⁶ 參見 Lamotte (1949, p.871, n.3)：在提婆達多（以神通）變化之身形中，以變作小孩最為人所知，有的資料即沒有記載他種變化。參見《增壹阿含經》卷 47（大正 2，802c），《出曜經》卷 14（大正 4，687c），《大毘婆沙論》卷 85（大正 27，442a）。亦見《根本說一切有部毘奈耶破僧事》卷 13（大正 24，168c），《鼻奈耶》卷 2（大正 24，859b），《別譯雜阿含經》卷 1（大正 2，374c）。

⁶⁷ 嗚（ㄨ）：2.親吻。南朝宋劉義慶《世說新語·惑溺》：“乳母抱兒在中庭，兒見充喜踊，充就乳母手中嗚之。”余嘉錫箋疏附周祖謨曰：“‘嗚之’者，親之也。”（《漢語大詞典》（三），p.465）

⁶⁸ 啞=嗽【元】【明】【宮】。（大正 25，164d，n.23）

啞（ㄩ）：1.吮吸。2.啞嘴。用舌尖抵住上顎發出吸氣聲。（《漢語大詞典》（三），p.391）

⁶⁹ 參見《阿毘達磨大毘婆沙論》卷 85：「如提婆達多先得靜慮，以神境通力變作小兒，著金縷俗衣作五花頂，在未生怨太子膝上婉轉而戲，仍令太子知是尊者提婆達多。時未生怨憐愛抱弄，嗚而復以唾置口中。提婆達多貪利養故遂咽其唾。故佛訶曰：『汝是死屍、食人唾者！』彼咽唾時便退靜慮，速復還得，令所變身在太子膝如故而戲。」（大正 27，442a1-8）

《大智度論》卷 26：「佛語提婆達：『汝狂人、死人、嗽唾人！』……嗽唾人者，提婆達貪利養故，化作天身小兒，在阿闍世王抱中，王嗚其口與唾令嗽，以是故，名嗽唾人。」（大正 25，252b15-28）

另參見《十誦律》卷 36（大正 23，257c4-16）。

王子意惑，於奈⁷⁰園⁷¹中大立精舍，四種供養，并種種雜供，無物不備，以給提婆達多；日日率諸大臣，自為送五百釜羹飯。

(4) 犯三逆罪

A、破僧（第一罪）⁷²

提婆達多大得供養，而徒眾⁷³少，自念：「我有三十相，滅佛未幾，直⁷⁴以弟子未集；若大眾圍繞，與佛何異？」如是思（165a）惟已，生心破僧，得五百弟子；舍利弗、目犍連說法教化，僧還和合。

B、出佛身血（第二罪）⁷⁵

爾時，提婆達多便生惡心，推山壓佛，金剛力士以金剛杵而遙擲之⁷⁶，碎石迸來，傷佛足指。

C、殺阿羅漢（第三罪）⁷⁷

華色比丘尼呵之，復以拳打尼，尼即時眼出而死，作三逆罪⁷⁸。

⁷⁰ 奈=李【宮】【石】。（大正 25，164d，n.24）

⁷¹ 參見 Lamotte (1949, p.872, n.2)：雖然一般說它的地點是奈園，但實際上，它是在伽耶山。所有的文獻均爭相揭述阿闍世給予提婆達多大量供養，參見《雜阿含經》卷 38（1064 經）（大正 2，276b21-c1）；《十誦律》卷 36（大正 23，257c）；《根本說一切有部毘奈耶破僧事》卷 13（大正 24，168c），卷 14（大正 24，173b）。

⁷² 提婆達多作三逆事。（印順法師，《大智度論筆記》〔I018〕p.433）

提婆達多逆罪之次第。（印順法師，《大智度論筆記》〔C031〕p.235）

參見 Lamotte (1949, p.873, n.1)：《五分律》卷 25（大正 22，164a），《四分律》卷 46（大正 22，909b），《十誦律》卷 36（大正 23，259a-260a），《根本說一切有部毘奈耶破僧事》卷 14（大正 24，170b-172b）。

另參見印順法師《論提婆達多之「破僧」》，收於《華雨集》（三），pp.1-35。

⁷³ 尠（ㄊ一ㄋㄨㄛˋ）：同“鮮”。少。（《漢語大字典》（一），p.565）

⁷⁴ 直：31.副詞。特，但，只不過。《孟子·梁惠王下》：“寡人非能好先王之樂也，直好世俗之樂耳。”（《漢語大詞典》（一），p.853）

⁷⁵ 參見 Lamotte (1949, p.874, n.2)：實際上，提婆達多一共有三次要謀害佛陀，而不是一次：1、派人刺殺；2、滾落岩壁要壓佛陀；3、驅使狂象踐踏佛陀。此等事件是發生於破僧之前，但此處則作在破僧之後。

⁷⁶ 參見 Lamotte (1949, p.874, n.3)：根據 Vinaya, II, p.193：「兩座山峰自動結合，阻止岩壁落下」，提婆達多滾落之岩壁被奇蹟式的阻擋下來；但在《十誦律》卷 26（大正 23，260a20）；《根本說一切有部毘奈耶破僧事》卷 18（大正 24，192c13）；《鼻奈耶》卷 5（大正 24，870a11）；《增壹阿含經》卷 47（大正 2，803b16）以及《興起行經》（大正 4，170c1），則是山神欽婆羅夜叉雙手持住並將之擲往別處；《大智度論》此處則以金剛力士（金剛手夜叉）取代欽婆羅。至於碎石擊中佛陀腳趾，使其受傷之事，《大智度論》卷 9（大正 25，121c）已經提及，此是佛陀所受九罪報之一。

⁷⁷ 參見 Lamotte (1949, p.875, n.1)：此一犯罪之提出，目的是在認定提婆達多觸犯第三無間惡業。巴利文獻即全未提及此事，而中文資料關於此一事件之記載，至少也有三種類型：《根本說一切有部毘奈耶破僧事》卷 10（大正 24，147c-148a），《鼻奈耶》卷 2（大正 24，857c），《增壹阿含經》卷 47（大正 2，803c-804a）。〔《增壹阿含經》說的是打死法施比丘尼，非華色比丘尼〕

⁷⁸ 參見 Lamotte (1949, p.876, n.1)：逆罪，即無間業，因為違此等罪之人會立即墮地獄，共有五種：1、殺母，2、殺父，3、殺阿羅漢，4、破僧，5、於如來所惡心出血。不過，五無間業之

（5）親近外道，斷諸善根

與惡邪師富蘭那外道等為親厚，斷諸善根，心無愧悔。

（6）欲毒害佛陀，現身墮地獄⁷⁹

復以惡毒著指爪中，欲因禮佛以中傷佛；欲去未到王舍城中，地自然破裂，火車來迎，生入地獄。

提婆達多身有三十相，而不能忍伏其心，為供養利故，而作大罪，生入地獄。

以是故言利養瘡深，破皮至髓，應當除却愛供養人心。

是為菩薩忍，心不愛著供養、恭敬人。

2、念三種得供養而自伏心（印順法師，《大智度論筆記》〔A035〕p.65）

復次，供養有三種：一者、先世因緣福德故；二者、今世功德，修戒、禪定、智慧故，為人敬養；三者、虛妄欺惑，內無實德，外如清白，以誑時人而得供養。

（1）因先世因緣福德而得供養

於此三種供養中，心自思惟：「若先世因緣勤修福德，今得供養，是為勤身作之而自得耳，何為於此而生貢高？譬如春種秋穫，自以力得，何足自憍？」如是思惟已，忍伏其心，不著、不憍。

（2）因今世功德而得供養

若今世功德故⁸⁰而得供養，當自思惟：「我以智慧，若知諸法實相，若能斷結，以此功德故，是人供養，於我無事。」如是思惟已，自伏其心，不自憍高；此實愛樂功德，不愛我也。

譬如鬪寶三藏比丘⁸¹，行阿蘭若法，至一王寺，寺設大會，守門人見其衣服麤弊，

順序，各種文獻說法不一，而且在引述時又極為混亂，常夾雜別種犯罪。提婆達多被認定犯有第 3～第 5 無間罪。參見《根本說一切有部毘奈耶破僧事》卷 10：「以大拋石遙打世尊，於如來身惡心出血，此是第一無間之業；和合僧伽而為破壞，此是第二無間之業；蓮花色尼故斷其命，此是第三無間之業。」（大正 24，148b）

⁷⁹ 參見 Lamotte（1949, p.876, n.1）：Vinaya（《律藏》）II, p.202 對於提婆達多之死，未置一詞；佛陀只有宣稱提婆達多將在劫中墮地獄。Milinda（《彌蘭陀問經》）則簡略的說提婆達多被大地吞沒（p.101）以及在其死後求歸依佛陀（p.111）。Dhammapadātṭha（《法句經注》）I, pp.146-147 則結合此二傳說；而有進一步之發展：提婆達多感到不適，想見佛陀最後一面，在其弟子引導之下，他到了舍衛城。佛陀預知宣稱縱使盡一切努力，提婆達多在今生均無法看到佛陀。實際上，這位異論者之領導人在從轎子下來後，雙足即陷入地中；在他消失不見之前，他仍利用這段時間，歸依佛陀。巴利所傳之資料並沒有載述「指甲藏毒」之事，這段過程載於《增壹阿含經》卷 47（大正 2，804a）。依《增壹阿含經》所述，則提婆達多並無機會，用他的藏毒指甲抓傷佛陀。而《大智度論》似乎也是說提婆達多沒有打到佛陀：「未到王舍城中，地自然破裂。」而此事在《根本說一切有部毘奈耶破僧事》卷 10（大正 24，150a），則又進一步發展，提婆達多實際已抓及佛陀。

⁸⁰ 《大正藏》原作「若今世故功德」，今依《高麗藏》作「若今世功德故」（第 14 冊，519a16）。

⁸¹ 參見 Lamotte（1949, p.879, n.1）：《大智度論》此處所演述的鬪寶三藏比丘，毫無疑問的，應該不是別人，而是著名的祇夜多阿羅漢，他是「佛時去世七百年後，出鬪寶國」，且迦膩色迦

遮門不前。如是數數，以衣服弊故，每不得前，便作方便，假借好衣而來，門家見之，聽前不禁；既至會坐，得種種好食（165b），先以與衣。眾人問言：「何以爾也？」答言：「我比⁸²數來，每不得入，今以衣故得在此坐，得種種好食，實是衣故得之，故以與衣。」

行者以修行功德，持戒智慧故而得供養，自念：「此為功德，非為我也。」如是思惟，能自伏心，是名為忍。

〔3〕以虛妄欺惑而得供養

若虛妄欺偽而得供養，是為自害，不可近也！當自思惟：「若我以此虛妄而得供養，與惡賊劫盜得食無異，是為墮欺妄罪。」

如是於三種供養人中，心不愛著，亦不自高，是名生忍。

3、觀無常、苦、無我相心常厭

（印順法師，《大智度論筆記》〔A035〕p.65）

問曰：人未得道，衣食為急⁸³，云何方便能得忍，心不著、不愛給施之人？

答曰：以智慧力，觀無常相、苦相、無我相，心常厭患。譬如罪人臨當受戮，雖復美味在前，家室⁸⁴勸喻，以憂死故，雖⁸⁵飲食饒膳，不覺滋味；行者亦爾，常觀無常相、苦相，雖得供養，心亦不著。又如麀鹿為虎搏⁸⁶逐，追之不捨，雖得好草、美水飲食，心無染著；行者亦爾，常為無常虎逐，不捨須臾，思惟厭患⁸⁷，雖得美味，亦不染著。是故行者於供養人中，心得自忍。

〔二〕忍女欲不動，四義⁸⁸

（印順法師，《大智度論筆記》〔C012〕p.204）

1、當如釋尊降伏魔女，制心不動

復次，若有女人來欲娛樂，誑惑菩薩，菩薩是時當自伏心，忍不令起。

※ 釋尊菩提樹下降三魔女

（印順法師，《大智度論筆記》〔I018〕p.433）

如釋迦牟尼佛在菩提樹下，魔王憂愁，遣三玉女：一名樂見，二名悅彼，三名渴愛；來現其身，作種種姿態，欲壞菩薩。菩薩是時心不傾動，目不暫視。三女念言：「人心不同，好愛各異；或有好少，或愛中年，或好長好短，好黑好白，如是眾好，各有所愛。」是時三女，各各化作五百美女，一一化女作無量變態，從林中出。譬如

王曾經拜見此位阿羅漢。在漢譯《雜寶藏經》卷 7（大正 4，483a-484b）中，共有三則關於此阿羅漢之故事。

⁸² 比：18.副詞。先前，以前。《呂氏春秋·先識》：“臣比在晉也，不敢直言。”15.副詞。近日，近來。（《漢語大詞典》（五），p.258）

⁸³ 急：3.要緊，重要。《文選·顏延之〈應詔觀北湖田收〉詩》：“息饗報嘉歲，通急戒無年。”李善注：“急，要也。通百姓之急者，預戒於無年之時。（《漢語大詞典》（七），p.453）

⁸⁴ 《大正藏》原作「至」，今依《高麗經》作「室」（第 14 冊，519b18）。

⁸⁵ 雖+（欲）【宋】【元】【明】【宮】。（大正 25，165d，n.8）

⁸⁶ 搏（ㄅㄛˊ）：1.捕捉。（《漢語大詞典》（六），p.795）

⁸⁷ 患=惡【宋】【元】【明】【宮】。（大正 25，165d，n.10）

⁸⁸ 忍欲四義。（印順法師，《大智度論筆記》〔A035〕p.66）

黑雲（165c），電光暫現，或揚眉⁸⁹頓⁹⁰睫⁹¹，嫵媚⁹²細視，作眾伎樂，種種姿媚，來近⁹³菩薩，欲以態⁹⁴身觸逼菩薩⁹⁵。爾時，密迹金剛力士瞋目叱之：「此是何人？而汝妖媚敢來觸嬈！」爾時，密迹說偈呵之：

「汝不知天命⁹⁶，失好而黃⁹⁷髯⁹⁸；大海水清美，今日盡苦鹹。

汝不知日⁹⁹滅，婆藪¹⁰⁰諸天墮；火本為天口，而今一切噉。

汝不知此事，敢輕此聖人！」

是時，眾女逡巡¹⁰¹小退，語菩薩言：「今此眾女端嚴無比，可自娛意，端坐何為？」

菩薩言：「汝等不淨，臭穢可惡。去！勿妄談！」

菩薩是時，即說偈言：「是身為穢藪，不淨物腐積，是實為行廁¹⁰²，何足以樂意！」

女聞此偈，自念：「此人不知我等清淨天身而說此偈。」即自變身，還復本形，光曜昱爍¹⁰³，照林樹間，作天伎樂，語菩薩言：「我身如是，有何可呵？」

菩薩答言：「時至自知！」

⁸⁹ (1) 揚眉：1.舉目。(《漢語大詞典》(六)，p.752)

(2) 案：「揚眉」，此處有揚起眉毛、抬起眉毛、動眉目等義。

⁹⁰ 頓：12.抖動，振動。晉 陸機《應嘉賦》：“仰群軌以遙企，頓駿羽以娑娑。”(《漢語大詞典》(十二)，p.259)

⁹¹ (1) 睫(ㄐ一ㄝˊ)：1.眼瞼邊緣的細毛。2.眨，眨眼。3.眼目。(《漢語大詞典》(七)，p.1226)

(2) 案：「揚眉、頓睫」，動眉目，擠眉弄眼，做種種誘惑的表情。

⁹² 嫵媚(ㄨㄥˊ ㄇㄨㄟˋ)：嬌羞貌。唐張鷟《游仙窟》：“含嬌窈窕迎前出，忍笑嫵媚返卻迴。”(《漢語大詞典》(四)，p.398)

⁹³ 近=迎【宋】【元】【明】【宮】。(大正 25，165d，n.16)

⁹⁴ 態：1.狀態，情狀，容貌。《楚辭·離騷》：“寧溘死以流亡兮，余不忍為此態也。”漢司馬相如《上林賦》：“蕩蕩乎八川分流，相背而異態。”(《漢語大詞典》(七)，p.672)

⁹⁵ 「欲以態身觸逼菩薩」：想要用種種姿媚容貌的身體，碰觸靠近菩薩。

⁹⁶ 命=帝【宋】【元】【明】【宮】。(大正 25，165d，n.18)

⁹⁷ 黃：2.色變黃，枯萎。《詩·小雅·何草不黃》：“何草不黃，何日不行。”朱熹集傳：“草衰則黃。”(《漢語大詞典》(十二)，p.967)

黃髯：指年老，亦指老人。(《漢語大詞典》(十二)，p.1002)

案：對天人來說，黃髯亦可能指衰變。

⁹⁸ 髯(ㄇㄨㄟˊ)：1.頰毛。亦泛指鬚鬚。2.指多鬚或鬚長的人。(《漢語大詞典》(十二)，p.736)

⁹⁹ 日=月【宋】【元】【明】【宮】【石】。(大正 25，165d，n.19)

¹⁰⁰ 參見 Lamotte(1949, p.883, n.1)：婆藪(Vasū)是天之一種，帝釋(Śakra)〔又稱婆蘇子(Vāsava)〕是其領袖，參見 Dīgha(《長部》) II, p.260。

¹⁰¹ 逡巡(ㄑㄨㄣ ㄒㄩㄣ)：1.卻行，恭順貌。2.退避，退讓。(《漢語大詞典》(十)，p.951)

¹⁰² 行(ㄒㄩㄥ)：9.流動，流通。《易·小畜》：“風行天上。”《素問·舉痛論》：“寒則腠理閉，氣不行，故氣收矣。”(《漢語大詞典》(三)，p.884)

廁：1.便所。(《漢語大詞典》(三)，p.1251)

永嘉沙門釋，從義撰，《金光明經文句新記》卷 7：「言行廁者，革囊盛屎，動轉去來也。」(卍新續藏 20，474a6-7)

¹⁰³ (1) 昱爍=煜爍【元】【明】。(大正 25，165d，n.20)

(2) 昱：1.明亮。2.照耀。(《漢語大詞典》(五)，p.682)

(3) 爍：1.發光貌。2.明亮。3.照射，閃耀。(《漢語大詞典》(七)，p.312)

問曰：「此言何謂？」

以偈答言：

「諸天園林中，七寶蓮華池，天人相娛樂，失時汝自知！

是時見無常，天人樂皆苦，汝當厭欲樂，愛樂正真道！」

女聞偈已，心念：「此人大智無量，天樂清淨，猶知其惡，不可當¹⁰⁴也！」即時滅去。

菩薩如是觀姪欲樂，能自制心，忍不傾動。

2、菩薩觀欲，種種不淨，於諸衰中，女衰最重

復次，菩薩觀欲，種種不淨，於諸衰中，女衰最重。刀火、雷電、霹靂、怨家、毒蛇之屬，猶可暫近；女人慳妬、瞋諂、妖穢、鬪諍、貪嫉，不可親近。何以故？女子（166a）小人，心淺智薄，唯欲是視¹⁰⁵，不觀富貴、智德¹⁰⁶、名聞，專行欲惡，破人善根。桎梏、枷鎖，閉繫、囹圄¹⁰⁷，雖曰難解，是猶易開；女鎖繫人，染固根深，無智沒之，難可得脫。眾病之中，女病最重。如佛偈言：

「寧以赤鐵，宛轉眼中；不以散心，邪視女色。

含笑作姿，憍慢羞恥¹⁰⁸；迴面¹⁰⁹攝¹¹⁰眼¹¹¹，美言妬瞋。

行步妖穢，以惑於人；姪羅¹¹²彌¹¹³網¹¹⁴，人皆沒身。

坐臥行立，迴眄¹¹⁵巧媚；薄智愚人，為之心醉。

執劍向敵，是猶可勝；女賊害人，是不可禁。

虺蛇¹¹⁶含毒，猶可手捉；女情感人，是不可觸。

有智之人，所應不¹¹⁷視；若欲觀之，當如母姊。

諦視觀之，不淨填積；姪火不除，為之燒滅！」

¹⁰⁴ 當：7.抵敵，抵當。8.遮蔽，阻擋。（《漢語大詞典》（七），p.1384）

¹⁰⁵ 視=親【元】【明】。（大正 25，166d，n.1）

¹⁰⁶ 德=慧【石】。（大正 25，166d，n.2）

¹⁰⁷ 囹圄：監獄。《禮記·月令》：“〔仲春之月〕命有司，省囹圄，去桎梏。”孔穎達疏：“囹，牢也；圄，止也，所以止出入，皆罪人所舍也。”（《漢語大詞典》（三），p.628）

¹⁰⁸ 恥=慚【宋】【元】【明】【宮】【石】。（大正 25，166d，n.4）

¹⁰⁹ 迴（尸乂丿）面：轉臉。（《漢語大詞典》（十），p.773）

¹¹⁰ 攝：1.提起，牽引。14.收斂，吸引。（《漢語大詞典》（六），p.970）

勾攝：3.謂對人有極強的吸引力。（《漢語大詞典》（二），p.180）

¹¹¹ 迴面攝眼：轉臉，用一對勾攝的眼睛看人。

¹¹² 羅：1.捕鳥的網。2.指捕獸的網。（《漢語大詞典》（八），p.1047）

¹¹³ 彌（冂一丿）：1.遍，滿。2.廣。6.益，更加。（《漢語大詞典》（四），p.157）

¹¹⁴ 網=細【石】。（大正 25，166d，n.5）

「姪羅彌網」：大張姪欲的羅網。

¹¹⁵ 眄=[目*子]【石】。（大正 25，166d，n.6）

眄（冂一丿）：1.斜視，不用正眼看。3.看，望。（《漢語大詞典》（七），p.1166）

¹¹⁶ 虺（凵弓丿）蛇：參見《一切經音義》卷 33：「蛇虺（上射遮反，考聲云：毒虫也。說文蛇亦它也，它音他，古人呼她為它，所以巢居者畏她故。相問云夜來無它乎，即她也，從虫也，聲下玩丸反，玄中記云虺她，身長三四尺，有四足形，如守宮尋脊有針利如刀，甚毒惡中人不逾半日則死。說文從虫元聲。」（大正 54，531c2-4）

¹¹⁷ 應不=不應【宋】【元】【明】【宮】。（大正 25，166d，n.7）

3、女人之心難測

復次，女人相者，若得敬待，則令夫心高；若敬待情捨，則令夫心怖。女人如是，恒以煩惱、憂怖與人，云何可近？親好乖離，女人之罪；巧察人要¹¹⁸，女人之智。大火燒人，是猶可近；清風無形，是亦可捉；虵蛇含毒，猶亦可觸；女人之心，不可得實。何以故？女人之相：不觀富貴、端政¹¹⁹、名聞，智德、族姓，技藝、辯言，親厚、愛重，都不在心，唯欲是視；譬如蛟龍，不擇好醜，唯欲殺人。又復女¹²⁰人不瞻視，憂苦憔悴；給養敬待，僑奢巨制。

4、女人常隨欲心，不隨功德

復次，若在善人之中，則自畜¹²¹心高；無智人中，視之如怨；富貴人中，追之敬愛；貧賤人中，視之如狗。常隨欲心，不隨功德。

如說：國王有女（166b），名曰拘牟頭。有捕魚師，名述婆伽，隨道而行，遙見王女在高樓上。窓¹²²中見面，想像染著，心不暫捨，彌歷日月，不能飲食。

母問其故，以情¹²³答母：「我見王女，心不能忘！」

母諭兒言：「汝是小人，王女尊貴，不可得也！」

兒言：「我心願樂，不能暫忘；若不如意，不能活也！」

母為子故，入王宮中，常送肥魚美¹²⁴肉，以遺¹²⁵王女而不取價。

王女怪而問之：「欲求何願？」

母白王女：「願却左右，當以情告。我唯有一子，敬慕王女，情結成病，命不云遠；願垂愍念，賜其生命！」

王女言：「汝去！月十五日，於某甲天祠中，住天像後。」

母還語子：「汝願已得！」告之如上。沐浴新衣，在天像後住。

王女至時，白其父王：「我有不吉，須至天祠以求吉福。」

王言：「大善！」

即嚴車五百乘，出至天祠；既到，勅諸從者齊門而止，獨入天祠。

天神思惟：「此不應爾！王為世¹²⁶主，不可令此小人毀辱王女！」即厭¹²⁷此人¹²⁸，

¹¹⁸ 要=惡【宋】【元】【明】【宮】【石】。（大正 25，166d，n.9）

要（一幺）：12.引申為迎合。《韓非子·二柄》：“故人主賢，則群臣飾行以要君欲，則是群臣之情不效。”（《漢語大詞典》（八），p.753）

「巧察人要」：善於迎合人，巧妙伺察人的需求而加以迎合。

¹¹⁹ 政=正【宋】【元】【明】【宮】。（大正 25，166d，n.11）

¹²⁰ 〔女〕—【宋】【元】【明】【宮】【石】。（大正 25，166d，n.12）

¹²¹ 畜（ㄒㄩˋ）：8.懷藏。（《漢語大詞典》（七），p.1334）

¹²² 窓：同“窗”。（《漢語大字典》（四），p.2730）

¹²³ 情：12.實情，情況。（《漢語大詞典》（七），p.576）

¹²⁴ 美=鳥【宋】【元】【明】【宮】【石】。（大正 25，166d，n.14）

¹²⁵ 遺（ㄩˊ）：1.給予，饋贈。《書·大誥》：“寧王遺我大寶龜，紹天明即命。”（《漢語大詞典》（十），p.1186）

¹²⁶ 世=施【宋】【元】【明】【宮】。（大正 25，166d，n.15）

¹²⁷ （1）厭（一弓ㄩˋ）：1.“魘”的古字。惡夢。南朝宋劉義慶《世說新語·假譎》：“魘乃詐厭，良久不悟，聲氣轉急。”（《漢語大詞典》（一），p.941）

（2）魘（一弓ㄩˋ）：3.調以法術、符咒鎮服。（《漢語大詞典》（十二），p.476）

令睡不覺。

王女既入，見其睡重，推之不悟，即以瓔珞直十萬兩金，遺之而去。去後，此人得覺，見有瓔珞，又問眾人，知王女來；情願不遂，憂恨懊惱，姪火內發，自燒而死。以是證故，知女人之心不擇貴賤，唯欲是從。

復次，昔有國王女，逐¹²⁹旃陀羅，共為不淨。又有仙人女，隨逐¹³⁰師子。¹³¹

如是等種種，女人之心無所選擇。

※ 小結

以是種種因緣，於女人中除去情欲，忍不愛著。

(三) 忍瞋恚打罵 (印順法師，《大智度論筆記》〔A035〕p.66)

云何瞋惱人中而得忍辱？

1、念昔因緣，作償債觀 (印順法師，《大智度論筆記》〔A035〕p.66)

當自思惟：「一切眾生有罪因緣，更相侵害。我今受惱，亦本行因緣，雖非今世所作，是我先世惡報，我(166c)今償之，應當甘受，何可逆也！譬如負債，債主索之，應當歡喜償債，不可瞋也。」

2、常行慈心故 (印順法師，《大智度論筆記》〔A035〕p.66)

復次，行者常行慈心，雖有惱亂逼身，必能忍受。

譬如羸提仙人¹³²在大林中修忍行慈。時，迦利王將諸婬女，入林遊戲；飲食既訖，王小睡息。諸婬女輩遊¹³³花林間，見此仙人，加敬禮拜，在一面立。仙人爾時為諸婬女讚說慈忍，其言美妙，聽者無厭，久而不去。迦利王覺，不見婬女，拔劍追蹤；見在仙人前立，僞妬隆盛，瞋目奮¹³⁴劍而問仙人：「汝作何物¹³⁵？」

仙人答言：「我今在此修忍、行慈。」

王言：「我今試汝，當以利劍截汝耳鼻，斬汝手足，若不瞋者，知汝修忍！」

仙人言：「任意！」

王即拔劍截其耳鼻，斬其手足，而問之言：「汝心動不？」

答言：「我修慈忍，心不動也。」

¹²⁸ 「即厭(魔)此人」：以法術讓人睡覺，就施法術讓這個人睡覺。

¹²⁹ 逐：3.追求，求取。(《漢語大詞典》(十)，p.887)

¹³⁰ 隨逐：跟從，追隨。(《漢語大詞典》(十一)，p.1107)

¹³¹ 王女與漁夫、旃陀羅、獅子行淫。(印順法師，《大智度論筆記》〔I018〕p.433) 出處待考。

¹³² 參見《大智度論》卷4(大正25, 89b);《六度集經》卷5(44經)(大正3, 25a-c);《僧伽羅刹所集經》(大正4, 119a);《大莊嚴論經》卷11(63經)(大正4, 320a);《大莊嚴論經》卷12(65經)(大正4, 325c);《賢愚經》卷2(12經)(大正4, 359c-360b);《出曜經》卷23(大正4, 731a);《金剛般若波羅蜜經》(大正8, 750b);《大般涅槃經》卷31(大正12, 551a-b);《大方等大集經》卷50(大正13, 330b)。

¹³³ 遊=採【宋】【元】【明】【宮】【石】。(大正25, 166d, n.17)

¹³⁴ 奮：4.用力揮動或搖動。(《漢語大詞典》(二)，p.1564)

¹³⁵ 物：7.事務，事情。《逸周書·五權》：“二曰物，物以權官。”朱右曾校釋：“物，猶事也。事繁官多，事簡官省。”(《漢語大詞典》(六)，p.249)

王言：「汝一身在此，無有勢力，雖口言不動，誰當信者？」

是時仙人即作誓言：「若我實修慈忍，血當為乳！」即時血變為乳。王大驚喜，將諸婬女而去。是時林中龍神，為此仙人雷電、霹靂¹³⁶，王被毒害，沒不還宮。

以是故言「於惱亂中能行忍辱」。

3、念彼之苦，不忍再苦（印順法師，《大智度論筆記》〔A035〕p.66）

復次，菩薩修行悲¹³⁷心，一切眾生常有眾苦：處胎迫¹³⁸隘¹³⁹，受諸苦痛；生時迫迮¹⁴⁰，骨肉如破，冷風觸身，甚於劍戟¹⁴¹。是故佛言：「一切苦中，生苦最重。」如是老、病、死苦，種種困厄，云何行人復加其苦？是為瘡中復加¹⁴²刀破！

4、念當逆流，不如世人（印順法師，《大智度論筆記》〔A035〕p.66）

復次，菩薩自念：「我不應如諸餘人常隨生死水流，我當逆流以求盡源，入泥洹道。一切凡人，侵至則瞋，益至則喜，怖處則畏。我為菩薩，不可如彼，雖未斷結，當自抑制（167a），修行忍辱，惱害不瞋，敬養不喜，眾苦艱難不應怖畏；當為眾生興大悲心！」

5、念能助我行忍（印順法師，《大智度論筆記》〔A035〕p.66）

復次，菩薩若見眾生來為惱亂，當自念言：「是為我之親厚，亦是我師，益加親愛，敬心待之。何以故？彼若不加眾惱惱¹⁴³我，則我¹⁴⁴不成忍辱；以是故言是我親厚，亦是我師。」

6、念無量世互為眷屬（印順法師，《大智度論筆記》〔A035〕p.66）

復次，菩薩心知，如佛所說：「眾生無始，世界無際，往來五道，輪轉無量。我亦曾為眾生父母、兄弟，眾生亦皆曾為我父母、兄弟；當來亦爾。」¹⁴⁵以是推之，不應惡心而懷瞋害。

¹³⁶ 霹靂（ㄉㄨㄛˋ ㄌㄧˋ）：1.響雷，震雷。（《漢語大詞典》（十一），p.744）

¹³⁷ 悲=慈【宋】【元】【明】【宮】。（大正 25，166d，n.19）

¹³⁸ 迫=逼【宋】【元】【明】【宮】【石】。（大正 25，166d，n.20）

迫：5.狹窄。（《漢語大詞典》（十），p.761）

¹³⁹ 隘（ㄞˋ）：1.狹窄，狹小。（《漢語大詞典》（十一），p.1095）

¹⁴⁰ 迮（ㄉㄛˋ）：4.壓榨，擠壓。（《漢語大詞典》（十），p.759）

迫迮（ㄉㄛˋ）：2.狹窄，局促。3.指困厄。（《漢語大詞典》（十），p.762）

¹⁴¹ 戟（ㄐㄧˋ）：1.古代兵器名，合戈、矛為一體。（《漢語大詞典》（五），p.229）

¹⁴² 加=以【宋】【元】【明】【宮】【石】。（大正 25，166d，n.21）

¹⁴³ 〔惱〕—【宋】【元】【明】【宮】。（大正 25，167d，n.2）

¹⁴⁴ 〔我〕—【宋】【元】【明】【宮】。（大正 25，167d，n.3）

¹⁴⁵ 參見《雜阿含經》卷 34（945 經）：

爾時、世尊告諸比丘：「眾生無始生死，長夜輪轉，不知苦之本際。諸比丘！若見眾生愛念歡喜者，當作是念：如是眾生，過去世時，必為我等父母、兄弟、妻子、親屬、師友、知識。如是長夜生死輪轉，無明所蓋，愛繫其頸，故長夜輪轉，不知苦之本際。是故諸比丘！當如是學，精勤方便，斷除諸有，莫令增長。」（大正 2，241c28-242a6）

另參見《別譯雜阿含經》卷 16（338 經）（大正 2，487a）。

7、念眾生中多有佛種（印順法師，《大智度論筆記》〔A035〕p.66；〔C020〕p.220）

復次，思惟：「眾生之中，佛種甚多，若我瞋意向之，則為瞋佛；若我瞋佛，則為己了！如說鴿鳥當得作佛¹⁴⁶，今雖是鳥，不可輕也。」

8、念瞋過失（印順法師，《大智度論筆記》〔A035〕p.66）

復次，諸煩惱中，瞋為最重，不善報中，瞋報最大；餘結無此重罪。

如釋提婆那民間佛偈言：

「何物殺安隱？何物殺不悔？何物毒之根，吞滅一切善？
何物殺而讚？何物殺無憂？」

佛答偈¹⁴⁷言：

「殺瞋心安隱，殺瞋心不悔；瞋為毒之根，瞋滅一切善；
殺瞋諸佛讚，殺瞋則無憂！」¹⁴⁸

菩薩思惟：「我今行悲，欲令眾生得樂。瞋為吞滅諸善，毒害一切，我當云何行此重罪？若有瞋患，自失樂利，云何能令眾生得樂？」

9、念菩薩自悲出，不應瞋也（印順法師，《大智度論筆記》〔A035〕p.66）

復次，諸佛菩薩以大悲為本，從悲而出；瞋為滅悲之毒，特¹⁴⁹不相宜。若壞悲本，何名菩薩？菩薩從何而出？以是之¹⁵⁰故，應修忍辱。若眾生加諸瞋惱，當念其功德。今此（167b）眾生雖有一罪，更自別有諸妙功德；以其功德故，不應瞋¹⁵¹。

10、念彼鍊我、淨治我（印順法師，《大智度論筆記》〔A035〕p.66）

復次，此人若罵若打，是為治我；譬如金師鍊金，垢隨火去，真金獨在；此亦如是。若我有罪，是從先世因緣，今當償之，不應瞋也，當修忍辱！

11、念成就彼樂心（印順法師，《大智度論筆記》〔A035〕p.66）

復次，菩薩慈念眾生，猶如赤子。閻浮提人多諸憂愁，少有歡日；若來罵詈¹⁵²，或加讒賊¹⁵³，心得歡樂。此樂難得，恣¹⁵⁴汝罵之！何以故？我本發心，欲令眾生得歡喜故。

¹⁴⁶ 參見《大智度論》卷 11（大正 25，138c-139a）之鴿子本生。

¹⁴⁷ 〔偈〕－【宋】【元】【明】【宮】。（大正 25，167d，n.6）

¹⁴⁸ 參見《雜阿含經》卷 40（1116 經）（大正 2，295b27-c8）；《別譯雜阿含經》卷 3（45 經）（大正 2，388c-389a）。

類似的頌文也可見諸《雜阿含經》卷 42（1158 經）（大正 2，308c），卷 48（1309 經）（大正 2，360b）；《別譯雜阿含經》卷 4（81 經）（大正 2，402a），卷 15（308 經）（大正 2，478c）；但此非佛與帝釋之問答，而是佛與婆羅門、天子之問答。

¹⁴⁹ 特：10.特別，最。（《漢語大詞典》（六），p.260）

¹⁵⁰ 〔之〕－【宋】【元】【明】【宮】。（大正 25，167d，n.8）

¹⁵¹ 瞋＋（之）【宋】【元】【明】【宮】。（大正 25，167d，n.9）

¹⁵² 詈（ㄉㄨˋ）：罵，責備。（《漢語大詞典》（十一），p.103）

¹⁵³ 讒賊：1.誹謗中傷，殘害良善。2.指好誹謗中傷殘害良善的人。（《漢語大詞典》（十一），p.469）

¹⁵⁴ 恣（ㄗㄩˋ）：1.放縱，放肆。2.聽任，任憑。3.滿足，盡情。（《漢語大詞典》（七），p.505）

12、念彼極苦，應加慈愍（印順法師，《大智度論筆記》〔A035〕p.66）

復次，世間眾生，常為眾病所惱，又為死賊常隨伺¹⁵⁵之，譬如怨家恒伺人便¹⁵⁶；云何善人而不慈愍復欲加苦？苦未及彼，先自受害。如是思惟，不應瞋彼，當修忍辱。

13、念瞋大罪（印順法師，《大智度論筆記》〔A035〕p.66）

復次，當觀瞋恚，其咎最深。三毒之中，無重此者；九十八使¹⁵⁷中，此為最堅；諸心病中，第一難治。瞋恚之人，不知善，不知非善；不觀罪福，不知利害；不自憶念，當墮惡道！善言忘失，不惜名稱；不知他惱，亦不自計身心疲惱；瞋覆慧眼，專行惱他。如一五通仙人，以瞋恚故，雖修淨行，殺害一國，如旃陀羅¹⁵⁸。

14、念瞋人甚至不信佛（印順法師，《大智度論筆記》〔A035〕p.66）

復次，瞋恚之人，譬如虎狼，難可共止；又如惡瘡，易發、易壞。瞋恚之人，譬如毒蛇，人不意見。積瞋之人，惡心漸大，至不可至，殺父、殺君，惡意向佛。

如拘睢彌國比丘，以小因緣，瞋心轉大，分為二部。¹⁵⁹若欲斷當，終竟三月，猶不可了。佛來在眾，舉相輪手，遮而告¹⁶⁰言：

「汝諸比丘，勿起鬪諍！惡心相續，苦報甚重！」¹⁶¹

汝求涅槃，棄捨世利，在善法中（167c），云何瞋諍？

世人忿¹⁶²諍¹⁶³，是猶可恕，出家之人，何可諍鬪？

出家心中，懷毒自害；如冷雲中，火出燒身！」

諸比丘白佛言：「佛為法王，願小默然！是輩侵我，不可不答！」

佛念是人不可度也，於眾僧中凌虛¹⁶⁴而去¹⁶⁵，入林樹間寂然三昧。

¹⁵⁵ 伺（ム、）：1.窺伺，窺探，觀察。2.守候，等待。（《漢語大詞典》（一），p.1283）

¹⁵⁶ 伺便：等待合適的時機。（《漢語大詞典》（一），p.1284）

¹⁵⁷ 九十八使：又稱九十八隨眠，見惑有八十八使，修惑有十使。

（1）見惑八十八使，包含：欲界見惑三十二使、色界見惑二十八使、無色界見惑二十八使。

（2）修惑十使，包含：欲界修惑四使（貪、瞋、癡、慢）、色界修惑三使（貪、癡、慢）、無色界修惑三使（貪、癡、慢）。

參見：世友造，《品類足論》卷 3（大正 26，702a8-24），《阿毘達磨俱舍論》卷 19（大正 29，99b2-c9）。

¹⁵⁸ 五通仙人瞋殺一國。（印順法師，《大智度論筆記》〔I018〕p.433）

《翻梵語》卷 3：「旃陀羅，舊譯曰：又云旃荼羅，謂瞋，亦云惡；持律者云下賤惡人；聲論者云：外國音，應云旃陀羅，翻為惡人。旃陀羅謂是屠殺惡人，加此屠肉五兵等類。」（大正 54，1006b29-c3）

¹⁵⁹ 參見 Lamotte（1949，p.896，n.1）：關於拘睢彌教團之分裂，特別是最後一次，竟使佛陀決定離開該地，參見《中阿含經》卷 17（72 經）（大正 1，535b21-c17）；《增壹阿含經》卷 16〈24 高幢品〉（大正 2，626b）；《五分律》卷 24（大正 22，160a）；《四分律》卷 43（大正 22，882b）；《大莊嚴論經》卷 9（大正 4，304a-305b）。

¹⁶⁰ 告+（之）【宋】【元】【明】【宮】。（大正 25，167d，n.14）

¹⁶¹ 「汝諸乃至重」十六字，宋元明宮四本俱作長行。（大正 25，167d，n.27）

¹⁶² 忿（ム、）：1.憤怒，怨恨。（《漢語大詞典》（七），p.424）

¹⁶³ 諍（ム、）：1.通“爭”。爭訟，爭論。（《漢語大詞典》（十一），p.198）

¹⁶⁴ 凌虛：升於空際。（《漢語大詞典》（二），p.416）

¹⁶⁵ 參見 Lamotte（1949，p.898，n.1）：佛陀凌空而去，同樣也可見諸《五分律》卷 24（大正 22，

瞋罪如是，乃至不受佛語。¹⁶⁶以是之故，應當除瞋，修行忍辱。

15、忍辱易得慈悲成佛道故（印順法師，《大智度論筆記》〔A035〕p.66）

復次，能修忍辱，慈悲易得；得慈悲者，則至佛道。

16、寧為愚人瞋，不為聖賢賤（印順法師，《大智度論筆記》〔A035〕p.66）

問曰：忍辱法皆好，而有一事不可：小人輕慢，謂為怖畏；以是之故，不應皆忍。
答曰：若以小人輕慢，謂為怖畏而欲不忍，不忍之罪甚於此也！何以故？不忍之人，賢聖善人之所輕賤；忍辱之人，為小人所慢；二輕之中，寧為無智所慢，不為賢聖所賤。何以故？無智¹⁶⁷之人，輕所不輕；賢聖之人，賤所可賤。以是之故，當修忍辱。

17、修忍常生人天中（印順法師，《大智度論筆記》〔A035〕p.66）

復次，忍辱之人，雖不行布施、禪定，而常得微妙功德，生天上、人中，後得佛道。何以故？心柔軟故。

18、念不忍常墮惡趣（印順法師，《大智度論筆記》〔A035〕p.66）

復次，菩薩思惟：「若人今世惱我，毀辱、奪利，輕罵、繫縛，且當含忍。若我不忍，當墮地獄鐵垣¹⁶⁸熱地，受無量苦，燒炙¹⁶⁹燔¹⁷⁰煮，不可具說！」以是故，知小人無智，雖輕而貴；不忍用威，雖快而賤。¹⁷¹是故菩薩應當忍辱。

19、念彼為瞋所惱，如醫不咎病人（印順法師，《大智度論筆記》〔A035〕p.66）

復次，菩薩思惟：「我初發心，誓為眾生治其心病。今此眾生為瞋恚結使所病，我當治之，云何而復以之自病？應當忍辱！」譬如藥師療治眾病，若鬼狂病，拔刀罵詈，不識好醜，醫知鬼病，但為治之而不瞋恚；菩薩若為眾生瞋惱罵詈，知其為瞋恚者¹⁷²（168a）煩惱所病，狂心所使，方便治之，無所嫌責，亦復如是。

20、念彼如小兒無知（印順法師，《大智度論筆記》〔A035〕p.66）

復次，菩薩育養一切，愛之如子；若眾生瞋惱菩薩，菩薩愍之，不瞋、不責。譬如慈父撫育子孫，子孫幼稚未有所識，或時罵詈、打擲，不敬、不畏，其父愍其愚小，愛之愈至，雖有過罪，不瞋、不恚；菩薩忍辱，亦復如是。

21、念不忍後生惡報，今更難堪（印順法師，《大智度論筆記》〔A035〕p.66）

復次，菩薩思惟：「若眾生瞋惱加我，我當忍辱。若我不忍，今世心悔，後入地獄，受苦無量；若在畜生，作毒龍、惡蛇、師子、虎、狼；若為餓鬼，火從口出。譬如人

160a23)；《四分律》卷 43（大正 22，882c25）。巴利文獻則無此項記載。

¹⁶⁶ 拘睒彌比丘諍，不受佛語。（印順法師，《大智度論筆記》〔H010〕p.397；〔I018〕p.433）

¹⁶⁷ 智=知【宋】【元】【明】【宮】。（大正 25，167d，n.19）

¹⁶⁸ 垣（ㄩㄣˊ）：2.指牆、城牆。（《漢語大詞典》（二），p.1093）

¹⁶⁹ 炙（ㄓˋ）：1.烤。（《漢語大詞典》（七），p.38）

¹⁷⁰ 燔=燔【宋】【元】【明】【宮】。（大正 25，167d，n.21）

燔（ㄇㄨㄣˊ）：1.焚燒。2.烤，炙。（《漢語大詞典》（七），p.259）

¹⁷¹ 「不忍用威，雖快而賤」：若菩薩不能安忍而用威嚇手段報復的話，雖然逞一時之快，但反而顯得卑賤。

¹⁷² 〔者〕—【宋】【元】【明】【宮】【石】。（大正 25，167d，n.22）

被火燒，燒時痛輕，後痛轉重。」

22、念不忍不名菩薩（印順法師，《大智度論筆記》〔A035〕p.66）

復次，菩薩思惟：「我為菩薩，欲為眾生益利；若我不能忍辱，不名菩薩，名為惡人。」

23、念如非眾生數，當求避之（印順法師，《大智度論筆記》〔A035〕p.66）

復次，菩薩思惟：「世有二種：一者、眾生數，二者、非眾生數。我初發心，誓為一切眾生。若有非眾生數：山石、樹木、風寒、冷熱、水雨侵害，但求衛¹⁷³之，初¹⁷⁴不瞋恚。今此眾生是我所為，加惡於我，我當受之，云何而瞋？」

24、知無我可瞋（印順法師，《大智度論筆記》〔A035〕p.66）

復次，菩薩知從久遠已來，因緣和合，假名為人，無實人法，誰可瞋者？是中但有骨血、皮肉，譬如累¹⁷⁵塹¹⁷⁶；又如木人，機關動作，有去有來。知其如此，不應有瞋！「若我瞋者，是則愚癡，自受罪苦。以是之故，應修忍辱。」

25、念當如諸佛學（印順法師，《大智度論筆記》〔A035〕p.67）

復次，菩薩思惟：「過去無量恒河沙等諸佛，本行菩薩道時，皆先行生忍，然後修佛法忍。我今求學佛道，當如諸佛法；不應起瞋恚，如魔界¹⁷⁷法。」

以是故，應當忍辱。

如是等種種無量因緣故能忍，是名生忍。

¹⁷³ (1) 衛=禦【宋】【元】【明】【宮】，=御【石】。(大正 25，168d，n.2)

(2) 衛(ㄨㄛˋ)：同“禦”。《集韻·語韻》：“衛，止也，或作御。”（《漢語大字典》（二），p.845）

(3) 禦：2.息止，禁止，阻止。3.抗拒，抵擋。（《漢語大詞典》（七），p.951）

¹⁷⁴ 初：5.本，本來。6.全，始終。（《漢語大詞典》（二），p.617）

¹⁷⁵ 累(ㄌㄞˋ)：1.堆集，積聚。2.重疊，接連成串。（《漢語大詞典》（九），p.787）

¹⁷⁶ (1) 塹=塹【宮】。(大正 25，168d，n.4)

(2) 塹(ㄌㄞˋ)：磚，未燒的磚坯。亦指用泥土或炭屑搏成的圓塊。按，《說文·土部》“塹，令適也。”段玉裁注：“瓦部斲下曰：令，斲也。按令斲即令適也，斲，適、塹三字同韻……〔磚〕亦曰塹。”王筠釋例：“案瓴適今謂之磚。”（《漢語大詞典》（二），p.1224）

¹⁷⁷ (境)+界【宋】【元】【明】【宮】。(大正 25，168d，n.6)